

難經懸解

影印古本醫學叢書之大  
上海中醫書局發行

影

記

古

本

醫

學

藝

書

第二集

史喻齋題



●影印古本醫學叢書第一集

石印

本裝

十冊二函

六元

七折

古人著作每多獨到之處。惜流傳甚鮮。不能普遍。實爲中醫退步之一大原因。本局既負宣傳中醫文化之使命。爰除收集近人名著發刊外。特將先哲名著之不易得者。彙編古本醫學叢書。以資參考。按照原版影印。絲毫不爽。

第一種 難經闡註

丁錦

二卷

第四種

本草衍義

寇宗奭

二十卷

第二種 傷寒撮要

王夢祖

四卷

第五種

女科秘旨

釋翰應

八卷

第三種 辨脈平脈章句

周學海

二卷

●實用中醫學

秦伯未

鉛印

平裝

四冊一盒

加實洋四角

二元八角

七折

秦伯未先生前著清代名醫醫案醫話精華等書。早經有目共賞。傳誦醫林。本書着手於民國十二年。時先生與李平書氏同任編輯江蘇全省中醫聯合會月刊。感受醫學爲實用之學。而中醫出版界極少實用書籍。且中醫教育漸次普及。而中醫課本久無成就。爰囑先生編輯本書。分類明晰。取材警嚴。不特學校中採用爲教本。最屬合宜。卽社會人士之研究中醫者。得此有無師自通之妙。自序中謂得其至精。可以爲醫行道。得其大概。可以充滿常識。洵非虛語。由黃炎培潘公展張錫純蔣文芳張山雷吳克潛諸君題序。

第一編 生理學

第五編

治療學

第九編

兒科學

第二編 病理學

第六編

處方學

第十編

外科學

第三編 診斷學

第七編

內科學

第十一編

五官科學

第四編 藥物學

第八編

婦科學

第十二編

花柳科學

民國二十年一月  
上海中醫書局印

# 影印古本醫學叢書第二集提要

## 第六種 難經懸解二卷 黃坤載著

黃氏研究醫學甚深。其素靈懸解傷寒懸解。久已膾炙人口。茲書尤見精心結撰。馮承熙謂榛蕪路闢。匣鏡塵捐。宿障雲開。舊疑冰釋。推爲難經佳本。醫林秘笈。洵不誣也。

## 第七種 傷寒尋源三卷 呂櫟村著

書分三編。上辨風寒濕溫熱源流。及六經辨證諸法。中將各證辨別疑似。下將製方精義。加以註疏。探歷聖之淵源。綜諸家之得失。是真讀仲景書而善悟者。

## 第八種 金匱鈎玄三卷 朱丹溪著

詞旨簡明。不愧鈎玄之目。經戴元禮校補。尤多精確。明史方技傳。曾載此書於元禮傳中。而外間無有流行。讀者憾之。今本局覓得原刻。不啻海內之孤本焉。

第九種 醫門補要三卷 趙竹泉著

馬培之序云。醫門補要如白香山詩。老嫗都能解說。而又擷經之腴。搜方之秘。其言甚簡。而其治甚驗。可以想見其內容。蓋與外科真詮互相頡頏。同爲外科珍品也。

第十種 鍼灸要旨三卷 高武著

鍼灸之法。足補湯液所不及。今日本肆力研究。而國中反漸失傳。殊堪痛惜。是書以內難爲經。各家爲緯。詳述各症之治法。較之鍼灸大成。精要切實。殆有過之無不及焉。



難

經

縣

解

二

齋

新刻難經懸解敘

昔黃帝與岐伯雷公史區之論質疑辨難更相問答作素問靈樞垂法萬世其理玄其趣博文約而旨豐事近而義遠讀之者且浩乎莫尋其津涯杳乎莫測其淵深也又孰從而難之哉勃海秦越人析其祕擷其腴著難經二卷信足闡古聖之精微爲大道之津筏後有作者弗可及矣惜乎去聖逾遠斯道逾微雖注之者先後數十家多出自凡庸之手或援經引典半涉支離或編說繪圖適形固陋間有一斑略識而豹管徒闕非無寸莛偶持而鯨鏗莫發適以滋下士之聚訟何足衍先哲之緒言蓋非至明者不能究厥指歸且非至精者不能窮其理致也昌邑黃坤載先生博極羣書兼綜衆妙蘊



探玉版鑰啟靈蘭意蕊爭飛心源默印遂草茲玄搆以紹彼  
薪傳頓使榛蕪路闢匣鏡塵捐宿障雲開舊疑冰釋然而青  
萍結綠識者綦難白雪陽春知音蓋眇苟非廣爲流傳將慮  
久而湮沒偶得祕帙亟付梓人庶幾斯學晦而復明微言絕  
而更續播之後代永永無窮耳同治十一年壬申四月陽湖  
馮承熙敘

難經懸解自序

昔黃帝傳內經扁鵲作難經史倉公傳所謂黃帝扁鵲之脈書黃帝脈書卽內經扁鵲脈書卽難經也妙理風生疑叢霧散此真千古解人其見五藏癥結全恃乎此不須長桑靈藥上池神水也而史傳載之此子長不解耳扁鵲姓秦名越人齊渤海人也家於鄭爲醫或在齊或在趙在齊號盧醫在趙名扁鵲過邯鄲聞貴婦人卽爲帶下醫過雒陽聞周人愛老人卽爲耳目痺醫入咸陽聞秦人愛小兒卽爲小兒醫扁鵲名聞天下其生號太子也天下盡以扁鵲能生死人扁鵲曰越人非能生死人也此自當生者越人能使之起耳

史扁鵲傳

乎秦越人不能生死人何今之人偏能死生人耶天下之病

孰非當生者遇越人而生遇餘人而死越人一人而已而後  
世醫工自仲景以來不知其幾干人也則其當生者萬不一  
生矣人無不病醫無不死遙遙二千年中死於兵荒刑戮者  
十之一死於醫藥服食者十之九天地之大德曰生庸妄之  
大愆曰殺天地之善生不敵庸妄之善殺也仁人君子能無  
慟乎來者悲生靈之毒禍傷今古之奇冤未得晏然自己也  
丙子五月靈樞解成岐黃而後難靈素者扁鵲耳代天地司  
生者寥寥無幾代天地司殺者芸芸不絕難經不可不解也  
五月十六日初始二十二日書竣扁鵲千古死人也孰知死  
人而生死人扁鵲生不能生死人也況其死乎但使自今以  
往當生者皆使之起則扁鵲雖死而其德大矣乾隆二十一

年五月丙寅黃元御撰

難經懸解目錄

卷上

三十難

卷下

五十一難

難經懸解卷上

昌邑黃元御坤載解



一難

一難曰十二經中皆有動脈獨取寸口以決五臟六腑死生吉凶之法何謂也然寸口者脈之大會手太陰之動脈也

難問難也難經者問難黃帝內經之義也

黃帝諮岐伯作素問靈樞經謂

之內

十二經中皆有動脈手太陰脈動中府雲門天府俠

白手陽明脈動合谷陽谿手少陰脈動極泉神門手太陽脈動天窻手厥陰脈動勞宮手少陽脈動禾髎足太陰脈動箕門衝門足陽明脈動大迎人迎氣街衝陽足少陰脈動太谿陰谷足太陽脈動委中足厥陰脈動太衝五里陰



廉足少陽脈動聽會頷厭皆穴名然答語辭寸口者脈之大

會以肺主氣十二經之脈動肺氣鼓之也故肺朝百脈十二

經脈皆朝宗於肺而大會於寸口寸口者氣口成寸以決死生素問

經脈別論語故曰寸口氣口即寸口也寸口三部魚際為寸太淵為關

經渠為尺皆穴名是手太陰肺經之動脈也四十五難脈會

太淵亦是此義

人一呼脈行三寸一吸脈行三寸呼吸定息脈行六寸人一

日一夜凡一萬三千五百息脈行五十度周於身漏水下百

刻營衛行陽二十五度行陰亦二十五度為一周也故五十

度復會於手太陰寸口者五藏六府之所終始故法取於寸

口也

靈樞五十營漏水下百刻以分晝夜人一呼脈再動氣行  
三寸一吸脈再動氣行三寸呼吸定息氣行六寸一十息  
氣行六尺二百七十息氣行十六丈二尺氣行一周於身  
水下二刻二千七百息氣行十周於身水下二十刻一萬  
三千五百息氣行五十營於身水下百刻凡行八百一十  
丈靈樞營衛生會人受氣於穀穀入於胃以傳於肺其清  
者爲營濁者爲衛營在脈中衛在脈外營周不休五十而  
復大會衛與營俱行於陽二十五周度手足行於陰亦二  
十五度手足一周也故五十度而復會於手太陰矣會於手太  
陰之經脈一日五十周今日平旦始於手太陰之寸口明  
日平旦又會於手太陰之寸口此五藏六府之所終始故

法取於寸口也會寸口者營氣也故氣口成寸以決死生  
但言營氣若衛氣則今日平旦始於足太陽之晴明明日  
平旦又會於晴明不會於寸口也

二難

二難曰脈有尺寸何謂也然尺寸者脈之大要會也從關至  
尺是尺內陰之所治也從關至魚際是寸口內陽之所治也  
故分寸爲尺分尺爲寸故陰得尺中一寸陽得寸內九分尺  
寸始終一寸九分故曰尺寸也

寸口者脈之大要會言是經脈中絕大之要會也尺中主  
陰寸口主陽關上陰陽之中也分寸爲尺者分一尺之一  
寸爲尺也分尺爲寸者分一尺之九爲寸也陰得尺中之